

## МОЛЕБЕН С АКАФИСТОМ СЯТИТЕЛЮ НИКОЛАЮ ЧУДОТВОРЦУ

**Иерей:** Благословен Бог наш всегда, ныне и присно, и во веки веков.

**Лик:** Аминь.

**Иерей:** Слава Тебе, Боже наш, слава Тебе

**Лик:** Царю Небесный:

Глас 4.

Бог Господь, и явился нам, благословен Грядый во имя Господне.

**Стих 1:** Исповедайтесь Господеви, яко Благ, яко в век милость Его.

**Лик:** Бог Господь, и явился нам, благословен Грядый во имя Господне.

Глас 4

Бог Господь, и я-ви-ся нам, благословен Грядый во и-мя Господ - не.

**Стих 2:** Обышедше обыдоша мя, и именем Господним противляхся им.

**Лик:** Бог Господь, и явился нам, благословен Грядый во имя Господне.

**Стих 3:** Не умру, но жив буду, и повем дела Господня.

**Лик:** Бог Господь, и явился нам, благословен Грядый во имя Господне.

**Стих 4:** Камень, егоже небрегоша зиждущий, сей бысть во главу угла: от Господа бысть сей, и есть дивен во очесех наших.

**Лик:** Бог Господь, и явился нам, благословен Грядый во имя Господне.

**Тропарь, глас 4:**

Прави́ло ве́ры и о́браз кро́тости, / воздержáния  
учи́теля / яви́ ты ста́ду тво́ему / я́же веще́й и́стина; /  
сего́ ра́ди стяжа́л еси́ смире́нием вы́сокая, /  
нището́ю бога́тая. / О́тче священнонача́льниче  
Нико́лае, / моли́ Христа́ Бо́га // спасти́ся душа́м  
на́шим.

**Запевы (трижды):**

**Иерей:** Святителю отче наш Николае, моли Бога о нас.

**Лик:** Святителю отче наш Николае, моли Бога  
о нас.

**Иерей:** Слава:

**Лик:** И ныне:



Простая

Гос - по - ди по - ми - луй. Гос - по - ди по - ми - луй.

Те - бе, Гос - по - ди. А - минь.

**Таже ектения:** Паки и паки миром Господу помолимся.

**Лик:** Господи помилуй.

Заступи, спаси, помилуй, и сохрани нас, Боже, Твоею благодатию.

**Лик:** Господи помилуй.

Пресвятую, Пречистую, Преблагословенную, славную Владычицу нашу Богородицу, и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

**Лик:** Тебе, Господи.

**Возглас:** Ты бо еси Царь мира, и Спас душ наших, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Лик:** Аминь.

## АКАФИСТ СЯТТЕЛЮ НКОЛАЮ ЧУДОТВОРЦУ

### Кондак 1

Возбраннй Чудотворче и изряднй угодниче  
Христов, / миру всему источаяй многоценное милости  
миро / и неисчерпаемое чудес море, / восхваляю тя  
любвию, святителю Николае; / ты же, яко имеяй  
дерзновение ко Господу, / от всяких мя бед свободи,  
да зову ти: // Радуйся, Николае, великий Чудотворче.

### Икос 1

Ангела образом, земнаго суща естеством, яви тебе всея твари  
Создатель: благоплодную бо доброту души твоея провидев, преблаженне  
Николае, научи всех вопити тебе сие:

Радуйся, от утробы матерния очищенный; / радуйся,  
даже до конца освященный.

Радуйся, рождением своим родителей удививый; /  
радуйся, силу душевную абие по рождестве явивый.

Радуйся, саде земли обетования; / радуйся, цвете  
Божественнаго сажения.

Радуйся, лозо добродетельная винограда Христова; /  
радуйся, древо чудоточное рая Иисусова.

Радуйся, крине райскаго прозябения; / радуйся,  
миро Христова благоухания.

Радуйся, яко тобою отгонится рыдание; / радуйся,  
яко тобою приносится радование.

Радуйся, Николае, великий Чудотворче.

## Кондак 2

Ви́дяще твои́х мир изли́яние, Богому́дре, просвеща́емся душа́ми и телесы́, дивна́го тя мирото́чца живоно́сна, Нико́лае, разуме́юще: чудесы́ бо, я́ко вода́ми, благода́тию Бо́жиею излива́ющимися, напая́еши ве́рно вопи́ющих Бо́гу: **Аллилу́иа.**

## Икос 2

Ра́зум неуразуме́нный вразумля́я о Святе́й Тро́ице, был еси́ в Нике́и со святы́ми отцы́ поборо́ник испове́дания правосла́вныя ве́ры: ра́вна бо Отцу́ Сы́на испове́дал еси́, соприсносу́щна и сопресто́льна, А́рия же безу́мнаго обличил еси́. Сего́ ра́ди ве́рнии научи́шася воспева́ти тебе́:

Ра́дуйся, вели́кий благоче́стия сто́лпе; / ра́дуйся, ве́рных прибе́жища гра́де.

Ра́дуйся, твёрдое Правосла́вия укрепле́ние; / ра́дуйся, честное́ Пресвяты́я Тро́ицы носило́ и похвалё́ние.

Ра́дуйся, Отцу́ равноче́стна Сы́на пропове́давый; / ра́дуйся, А́рия возбесивша́гося от Собора́ святы́х отгна́вый.

Ра́дуйся, о́тче, отцев́ сла́вная красото́; / ра́дуйся, всех богому́дрых премудра́я добро́то.

Ра́дуйся, о́гненная́ словеса́ испуща́яй; / ра́дуйся, до́бре ста́до своё наставля́яй.

Ра́дуйся, я́ко тобою́ ве́ра утвержда́ется; / ра́дуйся, я́ко тобою́ е́ресь низлага́ется.

Ра́дуйся, Нико́лае, вели́кий Чудотво́рче.

### Кондак 3

Си́лою, да́нною ти свѣ́ше, слезу́ всяку отъя́л еси́ от лица́ лю́те стражда́ющих, богоно́сне о́тче Нико́лае: алчу́щим бо яви́лся еси́ корми́тель, в пучи́не морсте́й су́щим изря́дный прави́тель, недугу́ющим исцеле́ние и всем всяк помо́щник показа́лся еси́, вопи́ющим Бо́гу: **Аллилу́иа.**

### Икос 3

Име́яше вои́стину, о́тче Нико́лае, с Небесе́ песнь тебе́ воспева́ема быти, а не от земли́: како́ бо кто от челове́к возмо́жет твоея́ святы́ни вели́чия пропове́дати? Но мы, любо́вию твоёю побежда́еми, вопие́м ти си́це:

Ра́дуйся, о́бразе а́гнцев и па́стырей; / ра́дуйся, свято́е очисти́лище нра́вов.

Ра́дуйся, добродете́лей вели́ких вме́сти́лище; / ра́дуйся, святы́ни чи́стое и честное́ жили́ще.

Ра́дуйся, свети́льниче все́светлый и вселю́бимый; ра́дуйся, све́те златоза́рный и непоро́чный.

Ра́дуйся, досто́йный А́нгелов собесе́дниче; / ра́дуйся, до́брый челове́ков наста́вниче.

Ра́дуйся, пра́вило ве́ры благоче́стивыя; / ра́дуйся, о́бразе крото́сти духо́вныя.

Ра́дуйся, я́ко тобо́ю от страсте́й теле́сных избавля́емся; / ра́дуйся, я́ко тобо́ю сла́достей духо́вных исполня́емся.

Ра́дуйся, Нико́лае, вели́кий Чудотво́рче.

#### Кондак 4

Бу́ря недоуме́ния смуща́ет ми ум, ка́ко досто́йно е́сть пе́ти чуде́са твоя́, блаже́нне Нико́лае? Никто́же бо мо́жет я исче́сти, а́ще бы и мно́ги язы́ки имёл и глаго́лати восхоте́л; но мы, дивно́ Бо́гу в тебе́ прославля́ющемуся, дерза́ем воспева́ти: **Аллилу́иа.**

#### Икос 4

Слы́шаша, богому́дре Нико́лае, бли́жнии и да́льнии вели́чие чуде́с твои́х, я́ко по возду́ху лёгкими́ благода́тными крила́ми навы́кл еси́ су́щих в беда́х предва́ряти, ско́ро от тех изба́вляя всех, вопию́щих к тебе́ тако́вая:

Ра́дуйся, изба́вление от печа́ли; / ра́дуйся, пода́ние благода́ти.

Ра́дуйся, неча́емых зол прогоните́лю; / ра́дуйся, жела́емых благих насадите́лю.

Ра́дуйся, ско́рый утёшителю в беде́ су́щих; / ра́дуйся, стра́шный наказа́телю оби́дящих.

Ра́дуйся, чуде́с пучи́но, Бо́гом излия́нная; / ра́дуйся, зако́на Христо́ва скрижа́ли, Бо́гом пи́санныя.

Ра́дуйся, кре́пкое па́дающих возведе́ние; / ра́дуйся, пра́во стоя́щих утвержде́ние.

Ра́дуйся, я́ко тобо́ю всякая лесть обнажа́ется; / ра́дуйся, я́ко тобо́ю всякая и́стина сбыва́ется.

Ра́дуйся, Нико́лае, вели́кий Чудотво́рче.

### Кондак 5

Боготѣчная звезда́ яви́лся еси́, наставля́я по мо́рю пла́вающих лю́те, имже́ смерть предсто́яше вско́ре иногда́, а́ще не бы ты предста́л еси́ призыва́ющим тя в по́мощь, Чудотво́рче святы́й Нико́лае; уже́ бо несты́дно бесо́м лета́ющим и погрузи́ти корабли́ хотя́щим запрети́в, отгна́л еси́ их, ве́рныя же научи́л еси́ спаса́ющему тобо́ю Бо́гу взыва́ти: **Аллилу́иа.**

### Икос 5

Ви́деша отрокови́цы, на брак скве́рный нищеты́ ра́ди угото́ванныя, вели́кое твоё к ни́щим милосе́рдие, преблаже́нне о́тче Нико́лае, егда́ ста́рцу роди́телю их но́щию узельцы́ три зла́та тая́ся пода́л еси́, самаго́ со дще́рьми изба́вляя от паде́ния грехо́внаго. Того́ ра́ди слы́шиши от всех си́це:

Ра́дуйся, ми́лости превели́кия сокрови́ще; / ра́дуйся, промы́сления о лю́дех приятели́ще.

Ра́дуйся, пи́ще и отра́до к тебе́ прибега́ющих; / ра́дуйся, хле́бе неснеда́емый а́лчущих.

Ра́дуйся, бога́тство, бе́дне живу́щим на земли́, Бо́гом да́нное; / ра́дуйся, воздви́жение ско́рое убо́гих.

Ра́дуйся, бы́строе ни́щих услы́шание; / ра́дуйся, скорбя́щих прия́тное попече́ние.

Ра́дуйся, три́ех дев непоро́чный невести́телю; / ра́дуйся, чистоты́ усе́рдный храните́лю.

Ра́дуйся, ненаде́жных наде́яние; / ра́дуйся, всего́ ми́ра наслажде́ние.

Ра́дуйся, Нико́лае, вели́кий Чудотво́рче.



### Кондак 6

Пропове́дует мир весь тебе́, преблаже́нне Нико́лае, ско́раго в беда́х засту́пника: я́ко мно́гажды во еди́нем часе́, по земли́ путеше́ствующим и по мо́рю пла́вающим, предва́ряя, посо́бствуеши, ку́пно всех от злых сохра́няя, вопию́щих к Бо́гу: **Аллилу́иа.**

### Икос 6

Воссия́л еси́ свет живо́тныи, изба́вление нося́ воево́дам, непра́ведную смерть прия́ти иму́щим, тебе́, до́брый па́стырю Нико́лае, призыва́ющим, егда́ вско́ре я́вляся во сне царёви, устраши́л еси́ его́, сих же невреждённых отпу́стити повеле́л еси́. Сего́ ра́ди с ними ку́пно и мы благода́рственно вопие́м ти:

Ра́дуйся, усер́дно призыва́ющим тя помога́яй; / ра́дуйся, от непра́веднаго уби́ения изба́вляяй.

Ра́дуйся, от ле́стных сохра́няяй клеветы́; / ра́дуйся, непра́ведныя разруша́яй сове́ты.

Ра́дуйся, растерза́яй лжу́ я́ко паучи́ну; / ра́дуйся, возноша́яй сла́вно и́стину.

Ра́дуйся, непови́нных от уз разреше́ние; / ра́дуйся, и мертвеце́в оживле́ние.

Ра́дуйся, прояви́телю пра́вды; / ра́дуйся, помрачи́телю непра́вды.

Ра́дуйся, я́ко тобою́ непови́ннии изба́влени от меча́; / ра́дуйся, я́ко тобою́ наслади́шася све́та.

Ра́дуйся, Нико́лае, вели́кий Чудотво́рче.

### Кондак 7

Хотя́ богоху́льное ерети́ческое отгна́ти злосмра́дие, ми́ро вои́стину благово́нное, таинственное яви́лся еси́, Нико́лае: лю́ди Мире́йския упасл еси́ и весь мир своимъ благода́тным ми́ром испо́лнил еси́. И от нас у́бо богоме́рзкое грехо́вное злосмра́дие отжени́, да благополу́чно Бо́гу вопи́ем: **Аллилу́иа.**

### Икос 7

Но́ваго тя Но́я, наста́вника ковче́га спаси́тельного разумеем, о́тче святы́й Нико́лае, бу́рю всех лю́тых разгона́ющего напра́влением своимъ, ти́шину же Божество́нную принося́щаго во́пиющимъ такова́я:

Ра́дуйся, обу́реваемыхъ ти́хое приста́нище; / ра́дуйся, утопа́ющих изве́стное храни́лище.

Ра́дуйся, пла́вающихъ посреде́ пучи́н до́брый ко́рмчий; / ра́дуйся, трево́лнения морска́я уставля́ющий.

Ра́дуйся, превожде́ние су́щихъ в ви́хрех; / ра́дуйся, согре́яние су́щихъ во мра́зех.

Ра́дуйся, сия́ние, ско́рбный мракъ разгона́ющее; / ра́дуйся, свети́ло, вся концы́ земли просвеща́ющее.

Ра́дуйся, от бе́здна грехо́вныя челове́ки изба́вляй; / ра́дуйся, в бе́здну а́дскую сатану́ вверга́й.

Ра́дуйся, я́ко тобо́ю дерзнове́нно бе́здну милосе́рдия Бо́жия призыва́ем; / ра́дуйся, я́ко тобо́ю от пото́па гнева́ изба́вльшеся, мир с Бо́гом обрета́ем.

Ра́дуйся, Нико́лае, вели́кий Чудотво́рче.

### Кондак 8

Странное чудо является притекающим к тебе, блаженне Нико́лае, священная твоя це́рковь: в ней бо и ма́лое моле́ние принося́ще, ве́лиих неду́гов прие́млем исцеле́ние, а́ще то́кмо по Бо́зе упова́ние на тя возло́жим, ве́рно вопию́ще: **Аллилу́иа**.

### Икос 8

Весь еси́ всем вои́стину помо́щник, богоно́се Нико́лае, и собра́л еси́ вку́пе вся прибега́ющия к тебе́, я́ко свободи́тель, пита́тель и врач ско́рый всем земны́м, на похвалу́ всех подвизая вопи́ти к тебе́ си́це:

Ра́дуйся, вся́ких исцеле́ний исто́чнице; / ра́дуйся, лю́те стра́ждущим помо́щнице.

Ра́дуйся, заре́, сия́ющая в но́щи грехо́вней блужда́ющим; / ра́дуйся, росó небото́чная в зно́и трудо́в су́щим.

Ра́дуйся, подава́яй тре́бующим благостро́ение; / ра́дуйся, уготовля́яй прося́щим изоби́лие.

Ра́дуйся, мно́гажды проше́ние предва́ряяй; / ра́дуйся, ста́рым седи́нам си́лу обновля́яй.

Ра́дуйся, мно́гих заблуждших от пу́ти и́стиннаго обли́чителю; / ра́дуйся, та́ин Бо́жих ве́рный служи́телю.

Ра́дуйся, я́ко тобо́ю за́висть попира́ем; / ра́дуйся, я́ко тобо́ю благона́равное жити́е исправля́ем.

Ра́дуйся, Нико́лае, вели́кий Чудотво́рче.

### Кондак 9

Всякія утоли́ болѣзни, вели́кий наш заступни́че Нико́лае, раство́ряя благода́тная врачева́ния, услажда́ющая ду́ши на́ша, серде́ца же весе́ляющая всех усер́дно к по́мощи твое́й притека́ющих, Бо́гу же вопи́ющих: **Аллилу́иа.**

### Икос 9

Виті́я суемудре́нныя нечесті́вых ви́дим тобо́ю посра́мленныя, богомудре́ отче Нико́лае: А́рия бо ху́льника, разделя́юща Божество́, и Саве́ллія, смеша́юща Святу́ю Тро́ицу, препре́л, нас же во Правосла́вии укрепі́л еси́. Сего́ ра́ди вопи́ем ти си́це:

Ра́дуйся, щі́те, защища́й благоче́стие; / ра́дуйся, мечу́, посеца́й злоче́стие.

Ра́дуйся, учи́телю Божѣ́ственных велѣ́ний; / ра́дуйся, губи́телю богопроти́вных уче́ний.

Ра́дуйся, ле́ствице, Бо́гом утвержде́нная, е́юже восхо́дим к Небеси́; / ра́дуйся, покрове́, Бо́гом зда́нный, імже покрыва́ются мно́зи.

Ра́дуйся, немудрых умудри́вый твоими́ словесы́; / ра́дуйся, лени́вых подви́гнувый твоими́ нра́вы.

Ра́дуйся, све́тлосте за́поведей Бо́жиих неугаси́мая; / ра́дуйся, луче́ оправда́ний Господни́х пресве́тлая.

Ра́дуйся, я́ко уче́нием твои́м сокруша́ются ерети́ческія главы́; / ра́дуйся, я́ко тобо́ю ве́рнии сподобля́ются сла́вы.

Ра́дуйся, Нико́лае, вели́кий Чудотво́рче.

### Кондак 10

Спасти́ хотя́ ду́шу, плоть твою́ ду́хови покорил еси́ вои́стину, о́тче наш Нико́лае: молча́ньми бо пре́жде и борёньми с по́мысли, дея́нию богомы́слие приложи́л еси́, богомы́слием же ра́зум соверше́н стяжа́л еси́, и́мже дерзнове́нно с Бо́гом и А́нгелы бесе́довал еси́, всегда́ вопия́: **Аллилу́иа.**

### Икос 10

Стена́ еси́ похваля́ющим, преблаже́нне, чуде́са твоя́ и всем к заступле́нию твоему́ прибега́ющим; те́мже и нас, в добродётели убо́гих, от нищеты́, напа́сти, неду́гов и нужд разли́чных свобождáй, вопию́щих ти с любóвию такова́я:

Ра́дуйся, от убо́жества вёчнаго изымáяй; / ра́дуйся, бога́тство нетле́нное подава́яй.

Ра́дуйся, бра́шно неги́блющее а́лчущим пра́вды; / ра́дуйся, пити́е неисчерпа́емое жа́ждущим жи́зни.

Ра́дуйся, от мятéжа и бра́ни соблюда́яй; / ра́дуйся, от уз и пленéния свобождáяй.

Ра́дуйся, пресла́вный в беда́х заступни́че; / ра́дуйся, превели́кий в напа́stech за́щитни́че.

Ра́дуйся, мно́гих от поги́бели исхи́тывый; / ра́дуйся, безчи́сленных невреждéнно сохрани́вый.

Ра́дуйся, я́ко тобо́ю лю́тыя сме́рти грéшнии избега́ют; / ра́дуйся, я́ко тобо́ю жизнь вёчную ка́ющиися получа́ют.

Ра́дуйся, Нико́лае, вели́кий Чудотво́рче.

### Кондак 11

Пѣ́ние Пресвяте́й Тро́ице па́че ины́х принёсл еси́, преблаже́нне Нико́лае, умо́м, сло́вом и де́лом: мно́гим бо испытáнием правове́рная повеле́ния уясни́л еси́, ве́рою, наде́ждою и любóвию наставля́я нас в Тро́ице Еди́ному Бо́гу воспева́ти: **Аллилу́иа.**

### Икос 11

Светоза́рную лучу́ во мра́це жити́я су́щим неугаси́мую ви́дим тя, Бо́гом избра́нне о́тче Нико́лае: с невеще́ственными бо а́нгельскими свѣ́ты бесе́дуеши о несозда́нном Тро́ическом Свѣ́те, ве́рных же ду́ши просвеща́еши, вопи́ющих ти такова́я:

Ра́дуйся, оза́ре́ние Трисо́лнечнаго Свѣ́та; / ра́дуйся, денни́це незаходи́мага Со́лнца.

Ра́дуйся, свеще́, Божѣ́ственным пла́менем возжже́нная; / ра́дуйся, я́ко угаси́л еси́ бесо́вский пла́мень нече́стия.

Ра́дуйся, свѣ́тлое правове́рия пропове́дание; / ра́дуйся, доброзра́чное свѣ́та ева́нгельскаго сия́ние.

Ра́дуйся, мо́лние, е́реси пожига́ющая; / ра́дуйся, гро́ме, устраша́ющий соблазня́ющая.

Ра́дуйся, и́стиннаго научи́телю ра́зума; / ра́дуйся, та́инственнаго изъя́вителю ума́.

Ра́дуйся, я́ко тобо́ю попра́ся поклонение тва́ри; / ра́дуйся, я́ко тобо́ю научи́хомся покланя́тися Творцу́ в Тро́ице.

Ра́дуйся, Нико́лае, вели́кий Чудотво́рче.

## Кондак 12

Благода́ть, да́нную ти от Бо́га, све́дущии, ра́дующеся, твою́ па́мь праж́днуем по до́лгу, пресла́вный о́тче Нико́лае, и к чу́дному заступле́нию твоему́ вседу́шно притека́ем; пресла́вных же твои́х дея́ний, я́ко песка́ морско́го и мно́жества зве́зднаго исче́сти не могу́ще, недоуме́нием объ́яти бы́вше, вопие́м к Бо́гу: **Аллилу́иа.**

## Икос 12

Пою́ще твоя́ чуде́са, восхваля́ем тя, всехва́льне Нико́лае: в тебе́ бо Бог, в Тро́ице прославля́емый, дивно́ просла́вился. Но а́ще и попремно́гу составленны́я от души́ псалмы́ и пе́сни прино́сим ти, Чудотво́рче святы́й, ничто́же твори́м ра́вно дарова́нию чуде́с твои́х, имже удиви́ляющеся, вопие́м к тебе́ такова́я:

Ра́дуйся, Царя́ ца́рствующих и Го́спода господа́ствующих служи́телю; / ра́дуйся, служи́телей Его́ небе́сных сожи́телю.

Ра́дуйся, лю́дем ве́рным помо́жение; / ра́дуйся, ро́да христиа́нскаго возвыше́ние.

Ра́дуйся, побе́ды тезоимени́тый; / ра́дуйся, венце́носче наро́читый.

Ра́дуйся, всех добродете́лей зерца́ло; / ра́дуйся, всех притека́ющих к тебе́ кре́пкое забра́ло.

Ра́дуйся, по Бо́зе и Богоро́дице, все на́ше упова́ние; / ра́дуйся, теле́с на́ших здравие и душ спасе́ние.

Ра́дуйся, я́ко тобо́ю от ве́чныя сме́рти свобожда́емся; / ра́дуйся, я́ко тобо́ю безконече́ныя жи́зни сподобля́емся.

Ра́дуйся, Нико́лае, вели́кий Чудотво́рче.

### Кондак 13

О, пресвяты́й и пречу́дный о́тче Нико́лае, утеше́ние всех скорбя́щих, ны́нешнее на́ше приими́ приноше́ние и от ге́енны изба́вители́ нас Го́спода умоли́ богоприя́тным твои́м ходата́йством, да с тобо́ю воспева́ем:

**Аллилу́иа.**

Этот конда́к чита́ется трижды, затем и́кос 1-й и конда́к 1-й.

### Икос 1

А́нгела о́бразом, земна́го су́ща естество́м, яви́ тебе́ всея́ тва́ри Созда́тель: благопло́дную бо добро́ту ду́ши твоея́ прови́дев, преблаже́нне Нико́лае, научи́ всех вопи́ти тебе́ си́це:

Ра́дуйся, от утробы́ ма́терния очище́нный; / ра́дуйся, да́же до конца́ освяще́нный.

Ра́дуйся, рождéнием своимъ роди́телей удиви́вый; / ра́дуйся, си́лу душе́вную а́бие по рождестве́ яви́вый.

Ра́дуйся, са́де земли́ обетова́ния; / ра́дуйся, цвёте Божéственнаго сажде́ния.

Ра́дуйся, лозо́ добродéтельная виногра́да Христо́ва; / ра́дуйся, дре́во чудото́чное ра́я Иису́сова.

Ра́дуйся, крине́ райскаго прозябе́ния; / ра́дуйся, ми́ро Христо́ва благоуха́ния.

Ра́дуйся, я́ко тобо́ю отго́нится рыда́ние; / ра́дуйся, я́ко тобо́ю прино́сится ра́дование.

Ра́дуйся, Нико́лае, вели́кий Чудотво́рче.

### Кондак 1

Возбра́нный Чудотво́рче и изря́дный уго́днице Христо́в, / ми́ру все́му источа́яй многоце́нное ми́лости ми́ро / и неисчерпа́емое чуде́с мо́ре, / восхваля́ю тя любóвию, святите́лю Нико́лае; / ты же, я́ко имéяй дерзнове́ние ко Го́споду, / от вся́ких мя бед свободи́, да зову́ ти: // Ра́дуйся, Нико́лае, вели́кий Чудотво́рче.



**Диакон:** Вонмем, премудрость, вонмем. **Прокимен, глас 4:** Уста́ моя возглаго́лют премудро́сть, и поуче́ние се́рдца моего́ ра́зум.



**Лик:** Уста́ моя возглаго́лют премудро́сть, и поуче́ние се́рдца моего́ ра́зум.

**Стих:** Уста праведного поучатся премудрости, и язык его возглаголет суд.

**Лик:** Уста́ моя возглаго́лют премудро́сть, и поуче́ние се́рдца моего́ ра́зум.

**Стих:** Уста́ моя возглаго́лют премудро́сть,

**Лик:** и поуче́ние се́рдца моего́ ра́зум.

**Диакон:** Господу, помолимся.

**Лик:** Господи, помилуй.

**Иерей:** Яко свят еси, Боже наш, и во святых почиваеши, и Тебе славу возсылаем, Отцу и Сыну и Святому Духу, ныне и присно и во веки веков.

**Лик:** Аминь.

**Диакон и лик:** Всякое дыхание да хвалит Господа:



**Диакон:** И о сподобится нам слышанию Святаго Евангелиа, Господа Бога молим.

**Лик:** Господи, помилуй (трижды)



**Диакон:** Премудрость, прости, услышим Святаго Евангелиа.

**Иерей:** Мир всем.

**Лик:** И духови твоему.

**Иерей:** От **Иоанна** Святаго Евангелиа чтение.

**Лик:** Слава Тебе, Господи, слава Тебе.

**Диакон:** Вонмем.

И четет иерей прилучившееся евангелие.

**Лик:** Слава Тебе, Господи, слава Тебе.

Запевы (трижды):

**Иерей:** Святителю отче наш Николае, моли Бога о нас.

**Лик:** Святителю отче наш Николае, моли Бога о нас.

**Иерей:** Слава:

**Лик:** И ныне:

Глас 6:

Не има́мы ины́я по́мощи, / не има́мы ины́я  
наде́жды, / ра́зве Тебе́, Влады́чице. / Ты нам  
помози́, / на Тебе́ наде́емся, / и Тобо́ю хва́лимся. //  
Твой бо есмы́ раби́, да не постыди́мся.

По тропарех, ектения:

Помилуй нас, Боже, по велицей милости Твоей, молим Ти ся, услыши и помилуй.

**Лик:** Господи, помилуй (трижды)

Московская



Еще молимся о Великом Господине и отце нашем Святейшем Патриархе Кирилле и о всей во Христе братии нашей.

Еще молимся о богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о милости, жизни, мире, здравии, спасении, посещении, прощении и оставлении грехов рабов Божиих (**имярек**).

Болгарская



Еще молимся за всю братию, и за вся христианы.

**Возглас:** Услыши ны, Боже Спасителю наш, упование всех концов земли и сущих в море далече: и милостив, милостив буди, Владыко, о гресех наших и помилуй ны. Милостив бо и человеколюбец, Бог еси, и Тебе славу воссылаем, Отцу и Сыну, и Святому Духу, ныне и присно и во веки веков.

**Лик:** Аминь.

**Иерей:** Ко святителю Николаю, архиепископу Мир Ликийских, Чудотворцу со умилением сердец наших помолимся.

**Лик:** Святителю отче наш Николае, моли Бога о нас.

**Моли́тва:**

О, всесвятый Нико́лае, уго́днице преизря́дный Госпо́день, тёплый наш засту́пнице и вездé в ско́рбех ско́рый помо́щнице! Помози́ ми, грёшному и уны́лому, в настоящем сем житии, умоли́ Го́спода Бо́га дарова́ти ми оставле́ние всех моих грехо́в, ели́ко согреших от ю́ности моея́, во всем житии моём, де́лом, сло́вом, помышле́нием и все́ми моими чу́ствами; и во исхо́де души́ моея́ помози́ ми, окаянному, умоли́ Го́спода Бо́га всея́ тва́ри Соде́теля, изба́вити мя возду́шных мытарств и ве́чнаго муче́ния: да всегда́ прославля́ю Отца́, и Сы́на, и Свята́го Ду́ха, и твоё ми́лостивное предста́тельство, ны́не и при́сно, и во ве́ки веко́в.

**Лик:** Аминь.

**Диакон:** Премудрость:

**Иерей:** Пресвятая Богородице, спаси нас.

**Лик:** Честне́йшую Херувим и сла́внейшую без сравне́ния Серафим, без истле́ния Бо́га Сло́ва ро́ждшую, су́щую Богоро́дицу Тя велича́ем.

**Иерей:** Слава Тебе, Христе Боже, Упование наше, слава Тебе.

**Лик:** Слава, и ныне: Господи, помилуй **(трижды)** Благослови.

**Иерей отпуст:**

Христос истинный Бог наш, молитвами Пречистыя Своея Матере, святителя Николая, архиепископа Мир Ликийских, Чудотворца и всех святых, помилует и спасет нас, яко Благ и Человеколюбец.

**Лик: Господи помилуй (трижды)**



**Величание**

Велича́ем тя, / святи́телю о́тче Николае, / и чтим  
святу́ю па́мять твою́: / ты бо мо́лиши о нас // Христа́  
Бо́га на́шего.

Тропарь, глас 4:

Прави́ло ве́ры и о́браз кро́тости, / воздержáния  
учи́теля / яви́ ты ста́ду тво́ему / я́же веще́й и́стина; /  
сего́ ра́ди стяжа́л еси́ смире́нием вы́сокая, /  
нището́ю бога́тая. / О́тче священнонача́льниче  
Нико́лае, / моли́ Христа́ Бо́га // спасти́ся душа́м  
на́шим.

Кондак, глас 3:

В Ми́рех свя́те священноде́йствитель показа́лся  
еси́, / Христо́во бо преподо́бне Ева́нгелие испо́лнув, /  
положи́л еси́ ду́шу твою́ о лю́дех твои́х, / и спасл еси́  
непови́нныя от сме́рти. / Сего́ ра́ди освяти́лся еси́,  
// я́ко вели́кий тайнник Бо́жия благода́ти.